

Perindustrianancam kestabilan sejagat: PM

KL gesa dunia utama sumber makanan daripada biofuel

Oleh Zainab Mohd Yatim,
Magendran Rajagopal, Azli
Ayob dan Nazura Ngah
bhnews@bharian.com.my

KUALA LUMPUR:

Keghairahan negara dunia membangunkan ekonomi berasaskan perindustrian boleh mengundang risiko krisis makanan serius pada peringkat global sehingga mencetuskan ketidakstabilan politik sejagat, kata Datuk Seri Abdullah Ahmad Badawi.

Sehubungan itu, Perdana Menteri mengesyorkan penerokaan tanah pertanian untuk penghasilan biofuel dihentikan sebelum krisis makanan menyebabkan harga keperluan asas itu meningkat melampaui kemampuan rakyat biasa sehingga mungkin memaksa mereka memberontak.

Beliau juga menyuarakan kebimbangan terhadap peningkatan mendadak harga minyak yang menjejaskan kehidupan penduduk, terutama golongan miskin dan mengulangi gesaan Malaysia supaya spekulasi harga niaga hadapan pasaran dihenti.

"Di Malaysia, kami



CAPAI KESEPAKATAN: Reaksi Abdullah pada Sidang Kemuncak Keenam D-8, di Kuala Lumpur, semalam.

memberi penekanan terhadap pembangunan sektor pertanian dalam pelan pembangunan negara dan terus melakukannya. Pada masa yang sama, pengeluaran makanan dunia juga harus dipertingkatkan tanpa terpengaruh dengan peningkatan har-

ga bahan bakar.

"Tambahan, kewujudan masalah seperti perubahan iklim dan malapetaka semula jadi turut memungkinkan krisis makanan mencetuskan bahaya dari segi ketidakstabilan politik di kebanyakan negara dan ini bukan lagi

sesuatu yang mustahil.

"Kita mesti mengenal pasti langkah berani yang perlu dilaksanakan sekarang bagi memberi jaminan kebajikan kepada negara dan rakyat pada masa depan," katanya berucap merasmikan Sidang Kemuncak Keenam Kumpulan Lapan Negara Islam Membangun (D-8), di sini, semalam.

Abdullah menyifatkan kekurangan makanan sebagai cabaran utama dunia masa kini kerana harganya meningkat lebih 75 peratus sejak 2000, sekaligus melebihi kuasa membeli golongan miskin yang menjadi majoriti penduduk dunia.

Katanya, tindakan kebanyakan negara mengutamakan perindustrian menyebabkan sektor pertanian terpinggir serta makanan.

Abdullah yang akan mengambil alih jawatan Presiden D-8 daripada Presiden Indonesia, Susilo Bambang Yudhoyono berkata, kumpulan itu kini berada pada persimpangan dan mesti mengambil serius mengenai apa yang sudah dicapai serta apa yang sepatutnya boleh dicapai.